

**Taarsigassarsiarititat
atuilernissamut akuersissutip
imaluunniit illuutip
tiguneqarnerata ullua
aallarnerfigalugu ukiut 30-it
tikillugit ernialersugaanatillu
akilersugassaannngillat,
tamatuma kingorna
Nationalbankip ernialiusaa 3
procentpointinik ilallugu
annertussusilimmik
erniaqartillugit, ukiut 15-it
tikillugit taarsigassarsiatut
annertoqqatigiimmik
akilersorneqartussatut,
akilersorneqassallutik.**



Piginneqatigiilluni inissianik sanaartorneq 3-mut tunngatillugu paasissutissat nalinginnaasut

Kommunip illuutaanni attartortittakkanik inissiaartaqartumi attartortut inissianik attartukkaminnik piginneqatigiilluni inissiatut tigusinissamik kissaateqarpata, kommunip piginneqatigiilluni inissiaatillit peqatigiiffianut taarsigassarsitisinnaavoq.

Illuummi attartortittakkanik inissiaartaqartumi attartortut tamarmik piginneqatigiilluni inissiaatillit peqatigiiffianut piginneqatigiilluni inissiaatillit peqatigiiffianut ilaasortanngornissamik allakkatigut neqeroorfigineqassapput. Illuut piginneqatigiilluni inissiaatillit peqatigiiffianut iluittuutillugu tiguneqassaaq.

Attartortoq, inigisaminik attartortittakkamik piginneqatigiilluni inissiatut tigusinissamik kissaateqanngitsoq inigisamini najugaqaannarsinnaavoq, kommunilu inissiaatillit piginneqatigiiffianut piginneqataasutut inississaaq.

Noah Mølgårdip aqq. 9, 3952 Ilulissat

—

Oqarasuaatip normua: +299 70 18 00

—

boligfinansiering@avannaata.gl

—

<https://avannaata.gl/>



Avannaata
Kommunia



**Piginneqatigiilluni inissiamik
sanaartorneq– Kommunip
inissiaataa attartortagaq
attartortuniit piginneqatigiilluni
inissianngortinneqarpata**

Avannaata Kommunia aqqutigalugu
Inissianut aningaasalersuilluni
taarsigassarsisitsineq



Avannaata
Kommunia

Taarsigassarsiarititanut killiliussat

Taarsigassarsiarititat, **inissiaq anginerunersoq apeqqutaatinnagu**, inissiami inissiap annertussusaanut annerpaamik 110 m2 angullugu tunniunneqarsinnaapput. Taarsigassarsiarititat **aningaasartuutit annertunerunersut apeqqutaatinnagu**, aningaasartuutit tamarmiusunut annerpaamik m2-imut kr. 20.000-it angullugit tunniunneqarsinnaapput.

Piumasaqaataavoq illit **piginneqataasutut** aningaasartuutit tamarmiusut 5 %-iannik aningaasanngorlugit akiliuteqarnissat, ass. aningaaserivimmi taarsisassarsititsinikkut.

Qaortumi, Sisimiuni, Aasianni Ilulissanilu suliniutit: Aningaasartuutit tamarmiusut 55 %-ii tikillugit taarsigassarsititsinnaavutit, **taamaattorli annerpaamik piginneqatigiilluni illuummut ataatsimut 1.210.000 kr.-iussallutik.**

Illoqarfinni allani nunaqarfinnilu suliniutit: Aningaasartuutit tamarmiusut 65 %-ii tikillugit taarsigassarsititsinnaavutit, **taamaattorli annerpaamik piginneqatigiilluni illuummut ataatsimut 1.430.000 kr.-iussallutik**

Piumasaqaatit

Piumasaqaataavoq illit piginneqataasutut aningaasartuutit tamarmiusut 5 %-iannik aningaasanngorlugit akiliuteqarnissat, ass. aningaaserivimmi taarsigassarsititsinikkut.

Kommunip taarsigassarsiarititaat piginneqatigiilluni inissiaatillit peqatigiiffiata illuutaasa qularnaveeqqusiunneqarnerisigut qularnaarneqassapput. Taarsigassarsiat piginneqatigiilluni inissiaatillit peqatigiiffiata illuutaa qularnaveeqqusiullugu sanaartornermut aningaasartuutit tamakkiisunit sinneruttunut aningaasalersuutissatut taarsigassarsiarititaasimasut akilereernerini, akilernerqartussatut inissisimassaaq.

- *Aningaasartuutit taarsigassarsiffiusinnaasut naatsorsornerini kommunip annerpaamik tarsigassarsisitsinissaanut inatsisitigut ilinnut piumasaqaatigineqanngilaq*

Qinnuteqaatit

Qinnuteqaat makkuninnga imaqaassaaq:

1. Allakkatigut taarsigassarsiniarluni qinnuteqaat
2. Pilersitsinermut isumaqatigiissut, pilersitsisunit tamanit atsiorneqarsimasooq.
3. Piginneqatigiilluni inissiaatillit peqatigiiffiannut malittarisassat, maleruagassanik nalunaarummi matumani "Malittarisassanik naligninnaasunik aalajangersarneqartunik" minnerpaamik imaqaassapput.
4. Pilersaarusiarnut nassuiaat, inissiat amerlassusaannik inigisallu katillugit annertussusaannik paasissutissartalik.
5. Sanaartornermut aningaasartuutit tamakkiisut takussutissiornerat.
6. Piginneqatigiilluni inissiaatillit peqatigiiffiannut nunaminertamik inniminniineq imaluunniit atugassiineq.
7. Piginneqataasut aamma piginneqatigiilluni inissiaatillit peqatigiiffiata namminneerlutik aningaasalersuutissaminnik pissarsisinnaanerannut uppernarsaatit

Piginneqatigiilluni inissiaatillit peqatigiiffiannik pilersitsisoqassaaq, tamatumalu kingorna qinnuteqaat kommunimut nassiunneqassaaq.

Qinnuteqaat akuerineqarpat malitsigisaanik suliarineqassaaq

1. Illu kommunimiit misissorneqassaaq, tassanilu teknikkikkut-aningaasaqarnikkut nalilersorneqassalluni.
2. Piginneqatigiilluni inissiaatillit peqatigiiffiata illulioriternermit ilisimasalimmik, qanoq issutsimut nalunaarusiamik suliaqartussamik, siunnersortissarsiussaaq.
3. Teknikikkut-aningaasaqarnikkut nalilersuineq aamma qanoq issutsimut nalunaarusiaq ataatsimoorlutik kommunalbestyrelsip pisinissamut neqeroorutaanut tunngavissaliissapput.



Avannaata
Kommunia



Avannaata
Kommunia



Avannaata
Kommunia